

Mál nr. 157/2010

**M
og
váttryggingafélagið X / v/ ábyrgðartryggingar verslunar.**

Kona rann á sælgæti á gólfi verslunar þann 28.11.2009.

Gögn.

1. Málskot, móttakið 25.5.2010, ásamt fylgigögnum.
2. Bréf X, dags. 21.6.2010, ásamt fylgigögnum.

Málsatvik.

M var á gangi í verslun V í grennd við sérstaka rekka þar sem unnt er að taka til kaups í lausu máli ýmis konar sælgætismola. Rann þá M á gólfinu á einum slíkum mola, lakkríshlaupi eða því um líku, og mun hafa hlotið vöðvatögnun.

Slysið varð á laugardegi þegar mikið mun vera keypt af sælgætismolum úr fyrrgreindum rekkum. Undir rekkunum eru sérstakar rennur til að taka mola sem ekki rata í poka viðskiptavina. Í umrætt sinn mun eitthvað af molum hafa lent á gólfinu.

M hefur krafist bóta vegna líkamstjóns síns úr ábyrgðartryggingu V hjá váttryggingafélaginu X. Félagið hefur hafnað bótaskyldu.

Álit.

Sérstakar rennur voru undir sælgætisrekkunum til að varna því eins og kostur var að sælgætismolar féllu á gólfið. Er ekkert sem bendir til að aðstæður hafi almennt verið óviðunandi í versluninni og slysaætla af þeim sökum verið meiri en búast má við. Ekkert liggur heldur fyrir um það í gögnum málsins að starfsmenn V hafi vitað eða mátt vita að sælgætismolar hafi dreifst um gólf verslunarinnar þannig að af þeim stafaði slysaætla. Að öllu virtu verður að telja ósannað að líkamstjón M verði rakið til atvika sem V ber skaðabótaábyrgð á. Tjón hennar fæst því ekki bætt úr ábyrgðartryggingu V hjá X.

Niðurstaða.

Líkamstjón M bætist ekki.

Reykjavík, 29. júní 2010.

Rúnar Guðmundsson hdl.

Valgeir Pálsson hrl.

Jón Magnússon hrl.